



PRECES SACRÆ

INFRA MISSARUM
solemnia recitandæ , pro Ca-
tholici Regis nostri Philippi in-
tentione , in obsequium Fidei,
& Christianæ Religionis
conservationem, &
augmentum.

Año de 1728.

Resp. **N**Os alium Deum nescimus ; præter te
Domine, in quo speramus:

Pf. Ne despicias nos, nec amoveas sa-
lutem tuam à genere nostro.

Vers. Quoniam ecce Reges terræ congregati sunt:
convenerunt in vnum.

Pf. Ne despicias nos, nec amoveas salutem tuam à
genere nostro, *Psal.*

Psalmus.

Deus misereatur nostri, & benedicat nobis
illuminet vultum suum super nos, & misereatur
nostri.

Vt cognoscamus in terra viam tuam : in omnibus
gentibus salutare tuum.

Confiteantur tibi populi Deus : confiteantur tibi
populi omnes.

Latentur, & exultent gentes : quoniam iudicas po-
pulos in æquitate, & gentes in terra dirigis.

Confiteantur tibi populi Deus, confiteantur tibi
populi omnes : terra dedit fructum suum.

Benedicat nos Deus, Deus noster, benedicat nos
Deus : & metuant eum omnes fines terræ.

Gloria Patri, & Filio, & Spiritui Sancto.

Sicut erat in principio, & nunc, & semper : & in
sæcula sæculorum. Amen.

Kyrie eleyson. Christe eleyson. Kyrie eleyson.

Pater noster, &c. *Secreto.*

Vers. Et ne nos inducas in tentationem.

Resp. Sed libera nos à malo.

Vers. Emitte Spiritum tuum, & creabuntur.

Resp. Et renovabis faciem terræ.

Vers. Post partum Virgo inviolata permansisti.

Resp. Dei Genitrix intercede pro nobis.

Vers. Ora pro nobis Beate Iacobe Apostole.

Resp. Vt digni efficiamur promissionibus Christi.

Vers.

Vers. Memento congregationis tuæ.

Resp. Quam possedisti ab initio.

Vers. Fiat pax in virtute tua.

Resp. Et abundantia in turribus tuis.

Vers. Domine exaudi orationem meam.

Resp. Et clamor meus ad te veniat.

Vers. Dominus vobiscum.

Resp. Et cum spiritu tuo.

O R E M V S.

DEVS, qui corda fidelium Sancti Spiritus illustratione docuisti: da nobis, in eodem Spiritu recta sapere, & de eius semper consolatione gaudere.

Concede nos famulos tuos, quæsumus Domine Deus perpetua mentis, & corporis sanitate gaudere: & Gloriosa Beatæ MARIE semper Virginis intercessionem, à præsentis liberari tristitia, & æterna perfrui lætitia.

Esto Domine plebi tuæ Sanctificator, & custos: ut Beati Jacobi Apostoli tui munita præsidij, & conversatione tibi placeat, & secura mente deserviat.

DEVS, qui errantibus, ut in viam possint redire iustitiæ, veritatis tuæ lumen ostendis: da cunctis, qui Christiana professione censentur, & illa respuere, quæ huic inimica sunt nomini, & ea, quæ sunt apta, sectari.

Deus

DEVS, à quo sancta desideria, recta consilia, &
iusta sunt opera, da servis tuis illam, quam
mundus dare non potest, pacem : ut, & corda nostra
mandatis tuis dedita, & hostium sublata formidine,
tempora sint tua protectione tranquilla. Per Chri-
stum Dominum nostrum. Amen.



F. I N I S.

